



BOSNA I HERCEGOVINA
FEDERACIJA BOSNA I HERCEGOVINA
KANTON SARAJEVO
OPĆINSKI SUD U SARAJEVU
Br. 065-0-Su-23- 00 2161
Sarajevo, 05.12.2023. god.

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Priljeno: U 8-12-2023			
Org. jed.	Broj	Priloga	Vrijednost
OSTA	-02-	446	123

**PARLAMENT FBiH
ZASTUPNIČKI/PREDSTAVNIČKI DOM**
Ul. Hamdije Kreševljakovića 3,
Sarajevo
N/r Sekretar Ivan Miličević

Predmet: Inicijativa
Veza: Vaš dopis broj 05/1-02-446/23, od 23.11.2023. godine

Poštovani,

U vezi sa Vašim dopisom, datum i broj gornji, obavještavamo Vas o sljedećem:

Općinski sud u Sarajevu je u prekršajnom postupku protiv okrivljenog A.B., u predmetu broj zbog učinjene radnje nasilja iz člana 7. stav 2. tačka 1. i 3. Zakona o zaštiti od nasilja u porodici ("Sl.novine FBiH" broj 20/13) za izricanje zaštitnih mjera iz člana 9. st 1. tač 2., 3., i 4. istog Zakona, a po zahtjevu MUP-a Kantona Sarajevo, Odjeljenje kriminalističke policije Novo Sarajevo, na osnovu člana 19. i 21 istog Zakona, donio 15.12.2022. godine Rješenje kojim su prema učiniocu nasilja A.B. izrečene sljedeće zaštitne mjere:

1. ZABRANE PRIBILIŽAVANJA ŽRTVI NASILJA U PRODICI – nevjenčanoj supruzi E.M.

Zaštitna mjera se izriče u trajanju od 24 (dvadesetčetiri) mjeseca od dana donošenja ovog rješenja.

2. ZABRANE UZNEMIRAVANJA I UHOĐENJA OSOBE IZLOŽENE NASILJU – nevjenčane supruge E.M.

Zaštitna mjera se izriče u trajanju od 24 (dvadesetčetiri) mjeseca od dana donošenja ovog rješenja.

3. **OBAVEZAN PSIHO-SOCIJALNI TRETMAN nasilne osobe A.B.**

Zaštitna mjera se izriče u trajanju od 6 (šest) mjeseci od dana donošenja ovog Rješenja i istu će provesti Centar za Socijalni rad općine Novo Sarajevo u saradnji sa JU Domovi zdravlja Sarajevo, RJ Novo Sarajevo, Centar za mentalnu rehabilitaciju, na čijem području učinilac nasilja ima prebivalište.

Sud je za provedbu mjera izrečenih pod tačkama 1. i 2. izreke Rješenja **odredio MUP Kantona Sarajevo, Policijsku upravu Novo Sarajevo prema mjestu prebivališta žrtve nasilja u porodici.**

Sud je za provedbu mjere izečene pod tačkom 3. izreke Rješenja **odredio Centar za Socijalni rad općine Novo Sarajevo** u saradnji sa JU Domovi zdravlja Sarajevo RJ Novo Sarajevo, Centar za mentalnu rehabilitaciju, na čijem području učinilac nasilja ima prebivalište.

Sud je obavezao MUP Kantona Sarajevo, Policijsku upravu Novo Sarajevo i JU „Kantonalni centar za socijalni rad“ Sarajevo, Službu socijalne zaštite općine Novo Sarajevo, da prati izvršenje navedenih zaštitnih mjera i da Sud nakon tri mjeseca obavijeste o rezultatima ovih mjera i da li postoji dalja potreba za njihovim trajanjem, ili je potrebno izrečene mjere zamijeniti drugim zaštitnim mjerama.

Iz prethodno navedenog proizlazi da je sud blagovremeno poduzeo sve mjere i aktivnosti u skladu sa svojim nadležnostima, a kako bi zaštitio žrtvu od nasilja nevjenčanog supruga A.B.

U konkretnom slučaju, napominjemo da je u zakonom utvrđenim nadležnostima ovog suda bilo izricanje zaštitnih mjera, a ne i praćenje realizacije istih.

S poštovanjem,

